

Anrezistreman Bisiklet / Mobilet / Motosiklet Elektrik

Gouvernman finn deside ki apartir le 31 Mars 2021, tou mobilet ek motosiklet elektrik bizin anrezistre avek departman Registrar General ek bizin ena 1 Horsepower depi NLTA pou kapav rouler lor simin.

- (i) Pou bann nouvo asteurs, se l'inportater ou le revander ki pou bizin fer leneseser pou anrezistreman ek gagn horsepower.
- (ii) Pou bann mobilet ek motosiklet elektrik ki deza pe roule, anrezistreman pou fer par lord alfabetik apartir **le 31 Mars 2021 ziska le 26 Novam 2021** dan bann zour lasemenn, **9hr ziska 3hr tanto** kouma mansione anba:

Sirnom ki koumans par alfabet	Dat lasemenn
A	31 Mars - 09 Avril 2021
B	12 - 23 Avril 2021
C	26 Avril - 07 Me 2021
D	10 - 21 Me 2021
E - F	24 Me - 04 Zien 2021
G - H	7 - 18 Zien 2021
I - J	21 Zien - 02 Zilye 2021
K - L	05 - 16 Zilye 2021
M	19 - 30 Zilye 2021
N	02 - 13 Out 2021
O	16 - 27 Out 2021
P	30 Out - 10 Septam 2021
Q - R	13-24 Septam 2021
S	27 Septam - 08 Oktob 2021
T	11 - 22 Oktob 2021
U - V	25 Oktob - 12 Novam 2021
W, X, Y, Z	15 - 26 Novam 2021

Gouvernman pe donn enn rediktion 50% lor bann fre anrezistreman pou tou dimoune ki finn deza aste enn mobilet ou motosiklet elektrik avan le 31 Mars 2021.

Prosedir pou anrezistre enn Mobilet/Motosiklet Elektrik:

Pou anrezistre enn mobilet ou motosiklet elektrik, ena 4 etap

Etap No. 1

Al dan enn sant fitness (Vehicle Examination Stations) avek ou mobilet/motosiklet elektrik, avek ou resi oubien kontra lavant, ou kart idantite, ek enn peyman de Rs 150. Si ou pena okenn papie, ou pou bizin fer 1 afidavit.

Etap No. 2

Anrezistre ou mobilet/motosiklet elektrik avek departman Registrar General.

- **Bann dokiman ki pou bizin soumet**

1. Form Deklarasion - ou pou gagn enn model lor sa link la:

<https://registrar.govmu.org/Pages/Downloadable%20Forms/Downloadable-Forms.aspx>

2. Papier ki ou finn gagner depi sant fitness avek detay ou mobilet/motosiklet elektrik.

- Ou bizin osi fer sa bann peyman-la :

(i) Fre administratif Rs 300 ; ek

(ii) Peyman anrezistremen dapre kapasite moter, kouma mansione anba :

Kapasite moter	Peyman
Mwins ki 1.5KW	Rs 500
Plis ki 1.5KW me pa depas 7.5KW	Rs 1,250
Plis 7.5 KW	Rs 1,650

Anrezistremen ek peyman onivo departman Registrar General kapav osi fer online avek bann detay swivan:

- **Bann dokiman ki pou bizin soumet online :**

1. Form Deklarasion - ou pou gagn enn model lor sa link la:

<https://registrar.govmu.org/Pages/Downloadable%20Forms/Downloadable-Forms.aspx>

2. Papier ki ou finn gagner depi sant fitness avek detay ou mobilet/motosiklet elektrik.

- **Kouma pou soumet ONLINE**

- 1) Rampli ek Sign ou form Deklarasion;
- 2) Scan li ansam avek Papier ki ou finn gagner depi sant fitness avek detay ou moubilet/motosiklet elektrik lor forma PDF;
- 3) Al lor website eRegistry (<https://eregistry.govmu.org/online/>) pou soumet ou PDF.

- **Pou gagn plis explikasion al lor sa link-la :**

<https://registrar.govmu.org/SitePages/VideoGallery.aspx>

oubien ou kapav telefonn lor helpdesk : 201 1859 ; 201 1860 ; 201 1861

Ou pou bizin swiv ou status online pou kone si ou dokiman finn taxe.

Kan ou dokiman fini taxe, ou kapav fer peyman online oubien al departman Registrar General pou peyer.

Etap No. 3

Al pran enn lasirans pou ou moubilet ou motosiklet elektrik.

Etap No. 4

Finalman pou gagn ou **Horsepower (Registration Book)**, ou bizin al NLTA avek sa bann dokiman-la:

- Dokiman ki sant fitness finn done ou (an 2 kopi)
- Sertifika lasirans
- Papie anrezistremman depi departman Registrar General
- Peyman Rs 1000 si ou ena enn moubilet. Pou enn motosiklet elektrik ou pou bizin pey Rs 300 fre administratif plis deklarasion dapre kapasite ou moter kouma mansione anba:

Motosiklet avek kapasite moter	Peyman	
	Moris	Rodrig
AM (mwins ki 4kw)	-	-
A1 (4 KW a 11 KW)	Rs 300 par an	Rs 200 par an
A2 (11.1 KW a 35 KW)	Rs 400 par an	Rs 200 par an
A (Plis ki 35 KW)	Rs 500 par an	Rs 300 par an

Minister Transpor Teres ek Metro leze pe inform piblik ki tou bann dimoune kinn fini anrezistrer zot mibilet/motosiklet elektrik, pou bizin:

- ena enn plak nimerò ek vignet lasirans;
- ena enn learner / licence ki valid;
- Met enn Helmet; ek
- Met enn zile fluoresan.

Minister pe osi inform piblik ki apre anrezistremant, lapolis pou pran bann kontravansyon nesese si zot pa respe lalwa.

Bann proprieter bisiklet elektrik anba 250 W bizin anrezistrer zot bisiklet elektrik avek lapolis.

Minister Transpor Teres ek Metro Leze

08 Mars 2021